

藏經書院版

卐續藏經

第 一 冊
印度撰述
律部

新文豐出版公司發行

南無本師釋迦牟尼佛



佛說善惡因果經一卷.....0698

般若波羅蜜多心經一卷.....0704

普遍智藏般若波羅蜜多心經一卷.....0705

佛說開覺自性般若波羅蜜多經四卷.....0706

佛說舍衛國王十夢經一卷附西晉錄.....0726

佛說金光王童子經一卷.....0728

難你計濕嚩囉天說支輪經一卷.....0730

佛說勝義空經一卷.....0733

佛說隨勇尊者經一卷.....0734

佛說佛十力經一卷.....0737

佛說清淨心經一卷.....0739

金色童子因緣經十二卷.....0740

佛說受新歲經一卷.....0802

印度撰述 律 部

根本說一切有部毗奈耶藥事十八卷.....0805

唐義淨譯

大宋新譯三藏聖教序

〔麗紫〕

太宗神功聖德文武皇帝製

大矣哉我佛之教也。化導群迷。闡揚宗性。廣博宏辯。英彥冥能。究其旨精。微妙說庸。愚豈可度其源義理。幽玄眞空。莫測包括。萬象譬喻。無垠綜法網之紀綱。演無際之正教。拔四生於苦海。譯三藏之祕言。天地變化。乎陰陽日月盈虧。乎寒暑大則說諸善惡。細則比於恒沙含識。萬端弗可盡述。若窺像法如影隨形。離六情以長存。歷千劫而可久。須彌納藏於芥子。如來坦蕩於無邊。達磨西來。法傳東土。宣揚妙理。順從指歸。彼岸菩提。愛河生滅。用行於五濁。惡趣拯溺於三業。途中經垂世以難窮。道無私而永泰。雪山貝葉。若銀臺之耀目。歲月煙蘿。起香界之自遠。巍巍罕測。杳杳難名。所以道資十聖。德被三賢。至道起於乾元。衆妙生乎太易。惚繁形類。駁鑿昏明。絕彼是非。開茲蒙昧。有西域法師。天息災等。常持四忍。早悟三乘。翻貝葉之眞詮。續人天之聖教。芳猷重啓。運偶昌時。潤五聲於文章。暢四始於風律。堂堂容止。穆穆輝華。廣

劫而昏墊重明。立門昭顯軌範。而彌光妙法。淨界騰音。利益有情。俱登覺岸。無成邪礙。救諸疲羸。冥味慈悲。浩汗物表。柔伏貪假。啓滌昏愚。演小乘聲聞。合其議論。大乘正覺。立其性含靈。悟而蒙福。藏教缺而重興。幻化迷途。火宅深險。雖設其教。不知者多。善念生而無量。潛臻惡業。興而隨緣。皆墮調御。四衆積行。十方樹華。雨於金輪。護恒沙於玉闕。有頂之風。不可壞。無際之水。弗能漂。澄寂湛然。圓明清淨之智慧。性空清涼。於宇宙朕慚。非博學釋典。微閑豈堪序文。以示來者。如摩螢燭。火不足比之於皎日。將微盡量。海未能窮。盡於深淵者哉。

繼作聖教序

眞宗文明章聖元孝皇帝製

高明肇分三辰。方乃序其大。厚載初定。萬彙於以發。乎端清濁之體。既彰善惡之源。是顯然後以文物立其教。以正典化其俗。利益之功。同歸於理。於是乎像法來於西國。眞諦流於中夏。洞貫千古。眞實之理。無以窮。囊括九圍。玄妙之門。莫能究言乎。妄想則五蘊皆空。現乃眞容。則一毫圓滿。廣大之教。豈能紀述者哉。伏觀

太宗神功聖德文武皇帝。法性周圓。仁慈普布。化蠻貊則萬邦輻湊。濟烝民於仁壽之鄉。崇教法則四海雲從。惠蒼生於富庶之域。見尊經之浩汗。設方便以救沉淪。知法界之恢宏。行精進而攝懈怠。乃擇其靈字。校彼眞文。命天竺之高僧。譯貝多之佛語。象管翻成於金字。珠編復置於琅函。龍宮之聖藻。惟新驚嶺之蕊。藹仰歎由是三乘共貫。四諦同圓。盡苦空眞正之言。顯祕密精研之義。讚相相乎實相。論空空乎盡空。華嚴之理。合軌轍金像之教。同規矩。朕續嗣

丕構恭敬寶圖。常翼翼而撫兆民。每兢兢而守

先訓。以至釋典。尤未精詳。諒其幽深。曷能探測。有譯經西域僧法賢。奏章懇切。致意專勤。以

先皇帝大闡眞風。高傳佛旨。興前王之墜典。振覺路之頽綱。欲旌

天造之功。庸用廣

聖文之述作。請予製序。繼聖教焉。自聖考上僊。追號罔息。政事之外。何暇經心。今已禪除。思臻微奧。雖幻承慈誨。柰夙乏通才。焉窮乎法海之津涯。莫造乎空門之閭域。略敷大意。以徇輿情。蹄涔不足。擬浴日之波。只筆豈能量昊天。之影。聊述短序。以紀聖功者焉。

父子合集經卷第一

西天譯經三藏朝散大夫試鴻臚卿宣

梵大師賜紫沙門臣日稱等奉 詔譯

淨飯王始發信心品第一

如是我聞一時佛在舍衛國說法施化能事畢已往迦毗羅國去城不遠住尼拘律陀林中與大比丘衆千二百五十人俱皆阿羅漢諸漏已盡無復煩惱心善解脫慧善解脫如大龍王所作已辦棄諸重擔逮得已利盡諸有結心得自在能到最上究竟彼岸其名曰阿若憍陳如摩訶迦攝優婁頻羅迦攝迦耶迦攝那提迦攝舍利弗大目乾連衆所知識大阿羅漢等復有種類差別捨邪歸正外道尼乾子沙門婆羅門無數衆會皆悉來集所謂調伏調伏衆寂靜寂靜衆善超彼岸善超彼岸衆善住安隱善住安隱衆出離煩惱出離煩惱衆能離罪惡能離罪惡衆洗除罪垢洗除罪垢衆善超三有善超三有衆遠離五塵遠離五塵衆離諸障礙離諸障礙衆清淨意樂清淨意樂衆具足諸根具足諸根衆遠順解脫遠順解脫衆

善護自身善護自身衆具諸正念具諸正念衆具四神足具四神足衆樂說明記樂說明記衆明了緣諦明了緣諦衆善寂諸根善寂諸根衆決定信解決定信解衆樂求義利樂求義利衆觀察無我觀察無我衆離諸分別離諸分別衆斷除疑惑斷除疑惑衆身行輕安身行輕安衆自在愛樂自在愛樂衆心善解脫心善解脫衆慧善解脫慧善解脫衆住聖種族住聖種族衆如是衆會身意泰然樂得善利各與徒屬來詣佛所猶如廣大鉢羅奢樹枝葉繁茂生長圓滿清淨而住

爾時世尊於初夜分露地而坐寂然無聲一切大衆恭敬圍繞於是如來觀察時會諸比丘衆而問之曰何人堪往化淨飯王勸導發心生淨信解時尊者憍陳如卽從座起偏袒右肩右膝著地合掌作禮白言世尊我當願往佛言憍陳如汝居聲聞最爲上首先解諦義有大名稱一切衆生尊奉如師且止是說不須汝往是時會中四大迦攝及舍利弗目乾連等各伸禮敬而作是言我能往化淨飯聖王佛皆不允止

之如初時大目乾連卽作是念未知如來今遣何人詣父王所遂入定觀乃觀如來心光遠矚彼優陀夷猶如杲日穿其樓閣從於東矚直注西垣時目乾連從定起已往詣尊者優陀夷所而語之曰世尊召子往化父王故相報爾優陀夷曰果蒙教敕固當從命目乾連曰尊者所往此極難事宜自審悉無貽後悔所以者何彼爲灌頂利帝利王威德尊嚴性無敢犯孰能導達何由召對況復教化發生信心今取諸譬子當可悉如以百夫於累歲中擔負乾薪積成大聚縱火焚之其發猛熾復以酥油而沃其上頗有人能於此廣大火聚中行不爲所害又如有人欲於最勝龍象口中而取其牙當知是人必遭所損今欲往化淨飯聖王此極爲難亦復如是我今粗陳少分譬喻臨事籌量好自安意於是世尊乃召尊者優陀夷至而語之曰於我聲聞弟子之中汝爲釋種子足辯才善說法要今可往化淨飯父王以善方便開發道意時優陀夷承佛指喻唯然受教白言世尊我今當往唯願大慈勿垂軫慮設使父王或見致怒遙冀慈光

冥加救護爾時世尊爲優陀夷而說偈言

賢哉優陀夷	今當聽我說	汝具智辯才
衆中爲上首	釋種淨飯王	見必生忻悅
是故汝應往	速勸令發心	若能化父王
發生清淨意	諸天及世人	咸增長善利
安閑不修善	如沮岸將墜	當於現生中
除我慢疑惑	富貴利那頃	增放逸染著
如羈旅無財	所思唯有苦	處最勝官殿
受殊妙欲樂	佛教不了知	樂壞生悲惱
具四種兵衆	七寶諸眷屬	隨意而自在
樂壞生悲惱	有夜叉鬼神	瞰衆生精氣
令人染衆病	於身何不護	積聚諸珍寶
如計羅娑山	染慧所纏縛	不能自觀察
由染慧覆心	善法無所了	如人處夢中
何能有知覺	凡夫失明慧	決定獲憂怖
猶如涉遠道	而喪其伴侶	是故優陀夷
當以善方便	勸王立信幢	摧我慢高舉
餘人非善巧	獎助令發心	汝具妙辯才

能示三有苦 我念過去劫 有王出於世
 名稱徧十方 號曰眞實聚 以善法治世
 境極海邊際 俱胝那與多 臣民咸歸奉
 諸聚落城邑 多種種華果 地唯生軟草
 無瓦礫荆棘 流泉及林木 處處皆圍繞
 百千乾闥婆 互奏諸音樂 賢聖集其中
 民物咸豐樂 多諸比丘衆 依止持淨戒
 復有諸外道 大汕大智者 其數有百千
 捨所修苦行 咸生眞實見 信樂佛正法
 怖彼三惡道 願得生天果 彼王有太子
 名曰堅固慧 值過去諸佛 久植諸德本
 俱胝那由佗 人民皆親近 觀五欲過患
 心常生厭離 覩王所居處 如彼天宮殿
 后妃競圍繞 受欲樂無極 是時堅固慧
 卽啓白父王 我今誠實心 誓求無上道
 於采女眷屬 都不生忻樂 少年善欲者
 樂壞苦卽至 如往古大僊 栖止於山谷
 五欲非究竟 寂靜卽爲樂 王語堅固慧

金剛經疏

勿作如是說 若不受欲樂 何名爲我子
 有國之富貴 如彼多聞天 諸宮殿樓閣
 衆寶而莊嚴 百千衆妓樂 周匝常圍繞
 具最上色相 類天女無異 面貌皆圓滿
 脣丹齒齊密 額廣復平正 目比青蓮葉
 形儀悉端直 膚潔猶珂雪 作衆妙歌舞
 而共相娛樂 年少色鮮白 如彼枝上花
 汝當住於此 勿棄於榮貴 我今誠謂汝
 非毀亦非譽 太子善了知 王位極尊勝
 我聞是說已 決志求出離 於彼五欲境
 不著如夢寐 復白於父王 自念從無始
 爲欲之所溺 娛情不知愧 猶如彼盲夫
 艱辛趣險道 自捨平坦處 憑誰爲歸救
 於欲不了知 何由脫苦縛 當離於險道
 此心非顛倒 若能遠諸欲 安隱除過患
 當知善欲者 如盲無所見 欲境如瀑流
 願注難防護 世有明智人 當生於厭怖
 欲爲衆苦因 損害逾蛇螫 刀杖與毒藥

熾火然相似 堅固慧王子 含悲白父王
我志在山林 離欲求解脫 是身深可厭
老病苦縈縛 不願王寶位 願允聽出家
是時王族中 童子名月施 見太子出家
亦隨修梵行 太子出家已 具勇猛精進
獲得五神通 善修四無量 人中釋師子
說法無所畏 教化諸衆生 皆令入佛道
彼月施童子 以善巧方便 示五欲過患
勸王發道意 優陀夷當知 往昔堅固慧
於汝意云何 今則我身是 其月施童子
樂修眞實行 同居釋種中 今則汝身是
是故優陀夷 汝今應當往 勸父王發心
增長諸善利

爾時尊者優陀夷聞佛世尊說是偈已欽承慈旨作
禮而退於晨朝時執持應器往迦毗羅城詣王宮門
見有百千釋種皇族共集一處時彼衆中有一釋種
名曰月面與優陀夷舊爲知識遙見尊者往相慰問
何緣至此優陀夷曰今從世尊所住之處尼拘律陀

林中匍匐而來奉佛慈旨遣令教化淨飯父王開發
淨信彼聞說已而作是言昔者太子若不捨家決定
當作轉輪聖王十善治化王四天下當有七寶自然
出現所謂輪寶象寶馬寶珠寶女寶兵寶主藏神寶
復有千子之所圍繞一切人民恭敬尊重今既出家
志樂空寂則失如是廣大富貴今所集會正議此耳
所言未竟時淨飯王卽召釋種群列于庭而語之曰
卿等當知悉達太子棄捨國位上妙快樂樂居林野
一何錯謬而今而後汝等不應往詣彼所供養恭敬
若有違者必當捶罰時有釋種名曰善悟聰慧明達
多諸善巧出至宮門見優陀夷方便附近漸至屏處
始敢伸問世尊導師起居輕利安隱快樂四大調和
少病少惱化度衆生無疲勞耶復有釋種名曰無憂
復有釋種名曰離憂詣尊者所問訊世尊一如前說
我等咸欲詣世尊所適奉王旨諸釋種等不得於佛
親近供養若有違越必行捶罰爲懼嚴敕無敢往者
時優陀夷聞已太息淨飯父王何意如是如來慧日
出現世間於諸衆生多所饒益一切人民四大天王

帝釋天主梵天王等競伸供養。曾無虛日。我當求見。彼淨飯王具陳上事。乃入定觀。知彼父王信根成熟。決定可化。時尊者優陀夷具諸威儀。結跏趺坐。涌在虛空。高七多羅樹。卽現種種神通變化。時淨飯王遙見尊者乘空而來。心生歡喜。合掌瞻仰。說伽陀曰。

希有成就殊勝行

現諸神變具威儀

乘空至此有何緣

唯願聖者速當說

爾時尊者優陀夷以偈答曰

我是聖王子之子

依止如來法中住

願王速發淨信心

於勝福田興供養

太子棄國成佛道

具勝吉祥大名稱

身光常照於世間

智光能破諸癡暗

猶如赫日除雲翳

空中普放大光明

龍子智光亦復然

於三有中常照耀

又如皎月舒盛光

揜蔽遊空諸宿曜

龍子智光亦復然

能伏一切諸外道

又如師子吼巖谷

衆獸聞已悉奔竄

龍子宣暢妙法音

摧諸異論令開解

苦行外仙邪妄智

流轉輪迴三界中

一切世間諸有情

如來開發智光明

善惡二途極明顯

如來善爲指其迷

譬若雲能含衆水

佛施法雨亦復然

雨能充洽諸山林

衆妙花藹悉開敷

亦如龍子雨法雨

十力無畏不共法

海中衆寶彌盧山

佛處聲聞大會中

三十三天帝釋主

龍子巍巍大沙門

欲入佛法解脫海

當以戒定爲船筏

不能入解無我理

由無勝慧迷真諦

盲無慧眼難出離

爲破無始無明瞋

一爲平坦一險阻

沒淤泥者能採拔

普滋大地無高下

增長人天諸善種

藥草根莖及枝葉

周徧莊嚴於大地

滋榮佛法功德樹

成熟菩提智花果

煥赫巋然而不動

最勝光明無與等

廣興供養妙莊嚴

諸天見者咸開悟

成就智慧法寶藏

能至念處摩尼聚

太子昔修苦行

或依過絕曠野中

牟尼大仙師子吼

如是善巧方便力

佛爲最上調御師

寂靜妙樂耆摩佗

若能依教修諸行

是故天人阿修羅

於是淨飯王爲尊者優陀夷而說偈言

我子捨家無少樂

猶如鮮潔青蓮花

尊者優陀夷以偈答曰

如來遊戲諸神通

由住寂靜妙等持

時淨飯王復說偈言

太子昔在皇宮日

睡寤常聞歌吹聲

尊者優陀夷以偈答曰

或住陂池或巖窟

善達空無相無作

指誘羣迷生覺悟

難化能化使柔順

能施衆生諸法寶

戒定功德堅固藏

除惑滅罪令清淨

常樂聞持佛正法

或乏飲食或臥具

置之陸地當枯悴

常演禪悅無飢渴

若金蓮華體堅實

百千采女常圍繞

棲止山林有何樂

佛住解脫勝境界

行住坐臥威儀中

時淨飯王復說偈言

太子昔在皇宮日

百千燈炬常照明

尊者優陀夷以偈答曰

牟尼廣修殊勝行

心常利樂諸有情

時淨飯王復說偈言

昔時太子居深殿

左右侍衛善承迎

尊者優陀夷以偈答曰

如來所止悉清勝

平等觀視於世間

時淨飯王復說偈言

昔日太子處王宮

上妙塗香以瑩身

尊者優陀夷以偈答曰

深心依止諸禪定

常生喜樂曾無苦

衆妙茵褥敷臥具

向夕未嘗知有暗

以四無量爲茵褥

於中庸境無癡鈍

遊戲受用諸快樂

獨止山林何所得

樂居寂靜阿蘭若

常得天龍常恭敬

沐浴嬾嬾兢承事

棲止山林何所得

牟尼持戒爲浴池
能令自他悉清淨

永滌諸惡淨無垢
離衆塵穢登彼岸

時淨飯王復說偈言

太子所著殊妙衣
旃檀和合妙塗香

金縷貫飾珠瓔珞
棲止山林何所得

尊者優陀夷以偈答曰

牟尼以慚爲上服

菩提分法如珠鬘

護戒清涼若塗香

以用莊嚴功德體

時淨飯王復說偈曰

太子所住常嚴警

百千勇士持戈胄

繖蓋迎空蔽日光

獨向山林誰守護

尊者優陀夷以偈答曰

牟尼具足十智力

於諸怖畏心不動

慈悲普蔭諸群生

沙門法子常圍繞

時淨飯王復說偈言

善哉善說佛功德

不久當往闍法要

願今先受我供養

復持香飯奉如來

父子合集經卷第一

甲辰歲高麗國大藏都監奉
敕彫造

父子合集經卷第二

〔麗紫〕

西天譯經三藏朝散大夫試鴻臚卿宣

梵大師賜紫沙門臣日稱等奉 詔譯

淨飯王始發信心品第一之餘

時尊者優陀夷知淨飯王心生感悟說偈讚曰白言
大王今佛世尊出興于世爲大法王具成就諸善
功德於彼沙門大衆之中猶如滿月衆星圍繞世尊
光明復過于彼大王如來出世如秋空日無雲覆蔽
其光特盛佛於沙門大衆之中光明照耀復過于彼
又如海中有光明山其光赫奕出於衆山佛處沙門
大衆之中光明照耀復過于彼又如帝釋處善法堂
天衆圍繞身光熾盛異諸天子佛於沙門大衆之中
光明照耀復過于彼又如大梵天王百千俱胝梵衆
圍繞一切身光無與等者佛於沙門大衆之中光明
照耀復過于彼時淨飯王聞說世尊如是最勝光明

威神復自憶念往昔太子初降生時地六震動所謂
動偏動極偏動起偏起極偏起涌偏涌極偏涌震偏
震極偏震擊偏擊極偏擊吼偏吼極偏吼光照天地
無與等者即行七步不假扶掖是時空中樹二種水
一者溫暖二者清冷用爲灌浴太子之身地中自然
湧出寶座殊妙繖蓋懸處虛空有諸天子恭敬尊重
手執白拂侍立左右乃至菩薩長年捨家厭五欲樂
常住正念說誠實語令諸有情不相損害所作決定
勇猛堅固願成無上正等菩提未得度者皆令得度
漸次至於究竟彼岸於是淨飯王爲優陀夷而說偈
言

若人初生時	言說唯決定	彼具寂靜慧
智者何不信	太子初生時	世間無與等
爲世所尊重	智者何不信	乃至於夢中
曾無虛妄說	如說而修行	智者何不信
於境不生貪	不爲貪所縛	不顧金寶聚
智者何不信	瞋如利刀劍	忿怒令怖
善離彼過失	智者何不信	勝慧常相應

驚怖不能動	由離癡過失	智者何不信
受用五欲樂	不爲彼纏縛	勝慧善決擇
智者何不信	百千種幻術	無少分真實
善人非所樂	智者何不信	無數巧妙言
畢竟爲戲論	於縛不能脫	智者何不信
若愛樂法樂	相應諸義利	決定能離縛
彼言何不信	離垢方便力	人孰能防禦
逾城出釋宮	彼言何不信	棄捨五欲樂
棲山若麋鹿	志樂求菩提	彼言何不信
六年修苦行	爲度諸衆生	求最上菩提
彼言何不信	六年食麻麥	不思諸美味
求最上菩提	彼言何不信	六年處谷山
衆魔來伺隙	不能見少過	彼言何不信
何人不求利	獨無少希望	善離貪過患
彼言何不信	無上正等覺	若佗未曾聞
難信復難解	彼言何不信	若梵天請轉
或世尊自說	如是微妙法	彼言何不信
憐愍釋種故	示生於王宮	皆令脫苦縛

彼言何不信 未登彼岸者 教詔令得度
常發如是願 彼言何不信 世尊於往昔
嘗如是勸化 當知今亦然 彼言何不信
是故我今者 求見法中王 如是諦觀察
得身心清淨

時淨飯王說是偈已復更思惟謂尊者曰是身何久
乃發道意時優陀夷爲淨飯王而說偈言

大王今作人中主

應當修習諸義利

如來稱讚發心因

常得生於尊勝處

若能發生清淨意

往詣牟尼大仙所

所獲功德難可量

增長人天諸善種

如來昔爲王太子

大悲愍念諸群萌

廣行平等無量心

猶若蓮華不著水

一切有情沒瀑流

佛能抹拔令出離

是名無上兩足尊

王發淨心善調伏

佛智最上最第一

善拔衆生疑惑箭

永離衆苦得安樂

王發淨心善調伏

太子永斷三有縛

降伏四種魔軍衆

得成無上大菩提
開示解脫甘露法
利樂三界諸有情
能轉最勝妙法輪
其數俱胝那由多
如來慧眼極清淨
說法能除彼癡暗
衆生老死所逼迫
方便令登常樂門
如來出現於世間
能滅熾然三毒火
牟尼十力智光明
畢竟遠離諸過咎
如來常以大悲心
皆令離苦得解脫
難化剛強諸衆生
令除掉舉與憍慢
衆生沒於貪欲海

王發淨心善調伏
帝釋人王咸勸請
王發淨心善調伏
攝化一切諸外道
王發淨心善調伏
衆生無明之所覆
王發淨心善調伏
如來說法除憂怖
王發淨心善調伏
如空四澍大雲雨
王發淨心善調伏
銷滅衆生三世罪
王發淨心善調伏
愛念衆生如赤子
王發淨心善調伏
如來方便能攝受
王發淨心善調伏
諸天著樂亦復然

佛垂十力能拯接

如來大悲無與等

能採衆生長夜苦

如來大悲方便力

善除鬪諍垢濁因

如摩尼寶本性淨

牟尼永離煩惱因

人天多受別離苦

出離輪迴生死因

牟尼成就功德海

譬如虛空無有邊

王發淨心善調伏

無量功德所莊嚴

王發淨心善調伏

若摩尼珠能瑩水

王發淨心善調伏

衆生見已咸歡喜

王發淨心善調伏

佛令獲得寂靜樂

王發淨心善調伏

我今略說一少分

王發淨心善調伏

時淨飯王聞偈讚已卽自憶念向者菩薩未出家時

我曾親見作勝事業正念相應發決定願我當捨家

誓成佛度諸衆生令至彼岸乃謂尊者優陀夷曰

汝今卽是如來之子自食訖已別齋供養然後我當

詣世尊所時優陀夷生大歡喜卽持香飯奉上如來

佛受供已召諸比丘而告之曰彼優陀夷我遣往化

淨飯父王今已信解佛卽讚彼優陀夷言善哉善哉

汝今獲得無量福蘊令諸世間諸天及人聞是事已

增長善根有諸比丘白言世尊彼優陀夷得幾所福

佛言假使十方殑伽河中所有沙數無量無邊不可

稱量是優陀夷所得福報與彼沙數正等無異於是

世尊食已收鉢安住威儀加趺而坐入定觀察父王

將至卽召北方多聞天王與其眷屬百千俱胝那與

多大藥叉將於自宮出從空而來屈伸臂頃到於佛

所合掌作禮供養世尊及比丘衆住立一面

復次東方持國天王與其眷屬百千俱胝那與多乾

闥婆衆從空而來到於佛所合掌作禮供養世尊及

比丘衆住立一面

復次南方增長天王與其眷屬百千俱胝那與多矩

呬摩衆從空而來到於佛所合掌作禮供養世尊及

比丘衆住立一面

復次西方廣目天王與其眷屬百千俱胝那與多諸

大龍衆從空而來到於佛所合掌作禮供養世尊及

比丘衆住立一面

復次帝釋天主與三十三天無數天子來至佛所作

禮供養如是。餓摩天觀史多天樂變化。天化自在。天大梵王。天光音天。廣果天。淨居天。此諸天子各與百千俱。毗那與多天子眷屬來詣佛所。頭面作禮。供養恭敬。及比丘僧住立一面。

復次毗摩質多羅阿修羅王。與六十那與多眷屬。著新淨衣。次第襲束。從空而來。到於佛所。頭面作禮。供養世尊。及比丘衆在一面住。

復次迦婁羅王。與其眷屬八萬六千眷屬。俱從空而來。到於佛所。合掌作禮。供養世尊。及比丘衆住立一面。

復有外道大仙婆羅門等八十俱。毗從於諸方來詣佛所。親近供養。譬若滿月。處於空中。威德光明。隱蔽宿曜時。彼衆中天龍鬼神摩睺羅伽等一心同聲。以偈讚曰。

佛具智光明	最勝無倫正	降伏阿修羅
滅三毒癡暗	佛面猶滿月	衆相悉莊嚴
具最上辯才	能破諸異論	百福妙嚴身
天人無與等	開導諸聲聞	如蓮出濁水

如帝釋天主	天子常圍繞	威德勝諸天
身光亦復爾	如來二足尊	法子常圍繞
善說諸法要	令衆生開悟	如餓摩天主
眷屬常圍繞	安坐大衆中	諸天咸尊重
佛身無邊光	照險難惡道	墮落諸衆生
蒙光皆離苦	觀史多天主	天衆常圍繞
由昔福報故	身光獨爲勝	天與阿修羅
及餘龍神衆	釋師子光明	清淨超於彼
樂變化天主	皆來至佛所	爲佛光所蔽
令知先福業	如是佛光明	最上無能比
能化未調伏	令生淨信解	佗化自在主
天衆常圍繞	由宿善業故	身光獨爲勝
如來十力尊	正行皆圓滿	於諸天人中
光明極熾盛	色界大梵王	身光超梵衆
八種妙音聲	諸天無與等	如來大法王
八部常恭敬	演四諦法音	光照三千界
諸天龍神等	咸來至佛所	希聞梵音聲
願佛開未悟	大海深可量	虛空可知際